



Damonda da baghegiar

Nr. 123/2023

Datum da publicaziun: 08-09-2023

Patrun: Forster Ulrich, 7173 Surrein

Representant: Wieland Duri, 7175 Sumvitg

Liug e parcellas: Surrein-Plazzas Su; 1475

Object: engrondaziun dil balcun existent

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 08-09-2023

Cumissiun da baghegiar

Uffeci civil Surselva

Naschientscha

Cabalzar Mauro, naschius ils 03-09-2023 a Glion, affon da Claudio e Claudia Cabalzar, sesents a Sumvitg.

Sumvitg, 08-09-2023

Controlla da habitonts

Infurmaziun: Impediments da traffic sin la via sursilvana tranter Sumvitg e Mustér

La Viafier retica exequescha lavurs da fixaziun dal grip e mesiras da protecziun cunter crudadas da crappa sin la via sursilvana en il territori dal Grep da Ferm.

Dals **11 da settember fin ils 14 d'october** datti perquai impediments e temps da spetga fin 30 minutas sin la via sursilvana H19, e quai mintgamai davent da gliendisdi saira fin la sonda en damaun da las 22.00 fin las 05.00.

Per infurmaziuns stat la direcziun locala da construcziun, la firma tur ScRL, a disposiziun sut il numer 078 843 93 84.

La Viafier retica e l'Uffizi da gaud e privels da la natira engrazian per Vossa chapientscha.

Glion, igl 01 da settember 2023

Viafier retica Uffizi da gaud e privels da la natira

Hinweis Verkehrsbehinderungen Oberalpstrasse zwischen Sumvitg und Disentis/Mustér

Die Rhätische Bahn führt auf der Oberalpstrasse im Gebiet Grep da Ferm Felssicherungs- und Steinschlagschutzmassnahmen aus.

Vom **11. September bis 14. Oktober** kommt es deshalb jeweils von Montagabend bis Samstagmorgen von 22.00 bis 05.00 Uhr zu Behinderungen und Wartezeiten bis 30 Minuten auf der Oberalpstrasse H19.

Für Auskünfte steht die örtliche Bauleitung, tur GmbH, unter Tel. 078 843 93 84, zur Verfügung.

Die Rhätische Bahn und das Amt für Wald und Naturgefahren danken für Ihr Verständnis.

Ilanz, den 01. September 2023

Rhätische Bahn Amt für Wald und Naturgefahren

Uniun da gymnastica dunnas Rabius

Invitaziun alla radunonza generala, 8-9-2023 allas 19.30 el Hotel Greina.

Novas commembras ein cordialmein envidadas alla radunonza. Suenten il motto « mudregia in tec tiu tgierp, schioc mudregia el cul temps tei » animein nus las dunnas da star fit, da mentener e da migliurar la sanadad. Noss'uniun organisescha duront igl onn ora in program variont. Nus planisein uonn puspei dapli gymnastica en sala. Pli biaras che prendan leu part, e pli sempel ch'igl ei da pinar tier ina lecziun. Dasperas mein nus cun festa, organisein spassegiadas da glina pleina, trer rudialas ni simplamein sentupadas da cumpignia. La presidenta e menadra Sandra selegra ensemen culla suprastonza sin voss'annunzia. (078 913 07 10). Cun salids sportivs *la suprastonza*

Uniun samaritana Sumvitg–Trun

Gliendisdis, ils 11 da September allas 20.00. Exercezis per in e scadin cul tema «Cass da mintgadi ed improvisaziuns ». Liug da sentupada a Sumvitg sper la stalla da Sep Benedetg Candinas.

Scargada Naustgel – Alpabzug Naustgel

Sonda, ils 9 da settember allas 11.00–ca. 14.30 ha liug a Surrein/Reit la scarga dalla alp Naustgel.

Meisa da miezdi a Cumpadials

Nadja Scolieri e Team organisescha ensemen culla ProSenectute Surselva la meisa da miezdi (Mittagstisch) inagada per meins a Cumpadials. Igl intent dalla meisa da gentar ei da promover la cuminonza denter persunas ella vegliadetgna dalla pensiun ella vischnaunca da Sumvitg e contuorn.

Liug: Ustria dalla Staziun, 7176 Cumpadials

Datum: **venderdis, ils 8 da settember 2023, 12.00.**

Annunzias ein da far entochen **mesjamna ils 6 da settember** tier Ustria dalla Staziun, Telefon 081 943 19 22

Apparat d'udida

Gliendisdis, ils 11 da settember 2023 saveis Vus schar schubergiar e rugalar Vies aparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan comunablamein quei survetsch gratuit per tuts interessents. Ei drova negina annunzia.

Biblioteca Trun

Prelecziun da Guido I. Tomaschett dil cudisch «Cavardiras» mardis, ils 12 da settember 2023, allas 19.00

El presenta siu roman che setracta dil temps dalla construcziun dalla Viafier Retica da Glion tochen Mustér e dil viaduct Russein ord la vesta dad in da Mustér emigraus en l'America e che tuorna e tscherca ses fastitgs famigliars. *Cordialmein envida il team dalla biblioteca*

Ludoteca Disentis/Mustér e contuorn

Sera da giugs – 13-9-2023

Mira vischnaunca Mustér